



OPĆINA KAKANJ

Služba za privredu, urbanizam
i zaštitu okoline

MUNICIPALITY OF KAKANJ

Department of Economy, Urban Land-Use
Planning and Environment

Broj: 04/1- 953 /21
Datum: 15.04.2021. godine

STRUČNA SLUŽBA ZA POSLOVE
OPĆINSKOG VIJEĆA
-ovdje-

PREDMET: Odgovor na vijećničku inicijativu, dostavlja se

Poštovani,

Službi za privredu, urbanizam i zaštitu okoline dostavili ste vijećničku inicijativu broj: 01/1-5-144/21 od 31.03.2021. godine, pokrenutu od strane vijećnika Dževdet Huskić (NS) na 5. sjednici Općinskog vijeća održanoj 31.03.2021. godine, a odnosi se na izgradnju parking prostora na lokaciji iza autoparka „Centrotrans“.

Obzirom da se radi o investiciji koja iziskuje veća materijalna sredstva, obavještavamo Vas da je potrebno da se ovaj projekat uvrsti u neki od Programa koje donosi Općinsko vijeće, a za realizaciju tih projekata je zadužen Zavod za planiranje i izgradnju Općine Kakanj.

S poštovanjem,

DOSTAVITI:

1x Naslovu
1x Odsjek za lokalni ekonomski razvoj
1x a/a





OPĆINA KAKANJ
Stručna služba za poslove
Općinskog vijeća

MUNICIPALITY OF KAKANJ
Department of Municipality
Council Administration

Broj: 03/1-57/21
Kakanj, 15.04.2021.godine

**STRUČNA SLUŽBA ZA POSLOVE
OPĆINSKOG VIJEĆA**

PREDMET: Odgovor na vijećničko pitanje, broj: 01/1-5-138/21 od 31.03.2021. godine;

Na 5. sjednici Općinskog vijeća održanoj dana 31.03.2021. godine, vijećnica Behija Kulović (NS) je postavila vijećničko pitanje u vezi emitovanja sjednica Općinskog vijeća na Youtube kanalu Općine ili NTV „IC“ Kakanj.

U vezi sa predmetnim pitanjem napominjemo Vas da je Općinsko vijeće na 5. sjednici usvojilo poseban Zaključak, a na osnovu diskusije koja se vodila oko prenošenja i emitovanja sjednica Općinskog vijeća na Youtube kanalu.

Uz to, ističemo da su svi elementi oko snimanja i emitovanja sjednica Općinskog vijeća regulisani potpisanim ugovorom sa NTV „IC“ Kakanj, pri čemu nije predviđeno emitovanje sjednica putem Youtube kanala, niti su Budžetom Općine Kakanj za 2021. godinu, predviđena sredstva za tu namjenu.

S poštovanjem,

Dostavljeno:
1x Naslovu
1x a/a



SEKRETAR
OPĆINSKOG VIJEĆA
Ferdo Mijač



OPĆINA KAKANJ

Stručna služba za poslove Općinskog načelnika
Odsjek za inspekcije

MUNICIPALITY OF KAKANJ

Mayor's Office
Department for Inspections

Broj: 02/10-362/21
Datum: 15.04.2021. godine

OPĆINA KAKANJ
OPĆINSKO VIJEĆE

Dostaviti putem:

Stručne službe za poslove Općinskog vijeća

**Predmet: Odgovor na vijećničku inicijativu, dostavlja se
Veza, Vaš akt broj: 01/1-5-147/21 od 31.03.2021. godine**

Poštovani,
na 5. sjednici Općinskog vijeća Kakanj, vijećnica Behija Kulović, pokrenula je vijećničku inicijativu kojom traži da se u skladu sa svojim ingerencijama zahtjeva od vlasnika parcele da prostor očisti i da se nakon toga izvrši kontrola.

U vezi sa pokrenutom inicijativom obavještavamo Vas da će komunalna inspekcija utvrditi činjenično stanje i u skladu sa svojim nadležnostima poduzeti potrebne mjere. Takođe Vas obavještavamo da je nakon svakog eventualnog poduzimanja mjera izdavanjem rješenja inspektor obavezan izvršiti kontrolni inspeksijski pregled te nastaviti postupak ili isti okončati.

S poštovanjem!

Dostavljeno:

Ix Naslov

Ix a/a



OF ODSJEKA ZA INSPEKCIJE

Amir Dedić



OPĆINA KAKANJ

Stručna služba za poslove Općinskog načelnika
Odsjek za inspekcije

MUNICIPALITY OF KAKANJ

Mayor's Office
Department for Inspections

Broj: 02/10-363/21
Datum: 15.04.2021. godine

**OPĆINA KAKANJ
OPĆINSKO VIJEĆE**

Dostaviti putem:
Stručne službe za poslove Općinskog vijeća

**Predmet: Odgovor na vijećničko pitanje, dostavlja se
Veza, Vaš akt broj: 01/1-5-136/21 od 31.03.2021. godine**

Poštovani,
na 5. sjednici Općinskog vijeća Kakanj, vijećnica Nerma Aliefendić, postavila je vijećničko pitanje koje se odnosi na izvršenje rješenja općinske inspekcije broj: 02/10-485/20 od 04.09.2020. godine vezano za objekat u ruševnom stanju u ulici Mehmeda Skopljaka do broja 55.

U vezi s tim obavještavamo Vas da suvlasnici predmetnog objekta nisu postupili po predmetnom rješenju kao niti po prijašnjim rješenjima. Odsjek za inspekcije je putem J.P. „Vodokom“ d.o.o. Kakanj dana 15.09.2020. godine izvršio samo neophodne radnje na sprječavanju nastanka opasnosti po treća lica i ili imovinu građana. Postupak po tom rješenju je u fazi prinudne naplate. Obzirom da se skoro svakodnevno saznaje za nove incidence na objektu, a usljed neodržavanja istog dana 13.04.2021. godine doneseno je novo rješenje kojim se nalaže uklanjanje cijelog objekta i kao u prethodnim slučajevima ne očekujemo postupanje suvlasnika (subjekata nadzora) po tom rješenju. Postupak inspeksijskog nadzora će se nastaviti po pravosnažnosti rješenja, a prinudno izvršenje rješenja u velikom postotku zavisi od ishoda postupka javne nabavke usluga – radova uklanjanja objekata, obzirom da je ta obaveza i tako postupanje inspekcija određeno Zakonom o prostornom uređenju i građenju Ze-do kantona. Smatramo da nije potrebno navoditi ali ipak da napomenemo da je Odsjek za inspekcije poduzeo sve neophodne radnje prema prekršiocima s ciljem utvrđivanja prekršajne odgovornosti radi ne postupanja po rješenjima koja donosi, ali iste nisu toliko bitne za ugrožene građane i konkretno rješavanje stvari.

Odsjek za inspekcije nastavlja sa poduzimanjem aktivnosti na izvršenju svakog donesenog rješenja-što je i obaveza, ali u skladu sa svim procedurama koje propisuju procesni zakoni, pa s toga iste mogu potrajati malo duže vrijeme.

S poštovanjem!

Dostavljeno:

Ix Naslov
Ix a/a



SEF ODSJEKA ZA INSPEKCIJE
Amir Dedić

**BOSNA I HERCEGOVINA
FEDERACIJA BOSNE I HERCEGOVINE
ZENIČKO – DOBOJSKI KANTON
OPĆINA KAKANJ
ZAVOD ZA PLANIRANJE I IZGRADNJU OPĆINE KAKANJ**

Broj: 01/2 - /3 - 035/21
Datum: 13.04.2021.godine

**OPĆINA KAKANJ
Općinsko vijeće**

PREDMET: Odgovor na vijećničko pitanje – dostavlja se

Povodom vašeg akta broj: 01/1-5-139-1/21 od 31.03.2021. godine koji se odnosi na vijećničko pitanje, vijećnika g-dina Branka Češljica na 5. sjednici Općinskog vijeća održanoj 31.03.2021. godine, a tiče se izgradnje skloništa/azila za pse u naselju Bare, ovim putem odgovaramo da je urađena projektna dokumentacija za azil za pse i popratne potrebne objekte čiji je investitor JP VODOKOM Kakanj, te da je na osnovu te projektne dokumentacije 2019. godine izdato odobrenje za izgradnju.

U budžetu općine Kakanj za 2020. godinu planirana su sredstva za izgradnju azila za pse koja su iznosila 80.000,00 KM. Dodatna sredstva u iznosu od 25.000,00 KM obezbijedila je Služba za privredu, urbanizam i zaštitu okoline.

Za izgradnju svih projektom predviđenih objekata bilo je potrebno puno više sredstava nego što je za to bilo opredijeljeno, zbog čega se Zavod za planiranje i izgradnju općine odlučio za nabavku radova koji će zadovoljiti prvu fazu u izgradnji azila za pse, a to je podrazumijevalo uređenje same parcele i izradnju objekta za čuvanje pasa.

Nakon provedene javne nabavke, sve pristigle ponude su bile znatno veće u odnosu na pretpostavljenu vrijednost radova, tako da je postupak javne nabavke poništen.

U narednom periodu iza javne nabavke nisu se obezbijedila dodatna sredstva, te se u nove nabavke za izgradnju azila za pse nije ulazilo.

Budžetom općine Kakanj za 2021. godinu nije planirana izgradnja azila za pse.

S poštovanjem!

Dostavljeno:
1× Naslovu
1× a/a



DIREKTOR

Zijad Neimarlija
Zijad Neimarlija dipl.ing.





OPĆINA KAKANJ

Služba civilne zaštite

Broj : 09/1 252 /21

Kakanj, 14.04 2021. godine

Stručna služba za poslove Općinskog vijeća

-ovdje-

Predmet: Odgovor na Vijećničku inicijativu - *dostavlja se*,-

Veza: Vaš akt, broj: 01/1 -5 -150-1/21 od 31. 03. 2021. godine

Poštovani,

Na 5. sjednici Općinskog vijeća održanoj dana 31.03.2021. godine, vijećnik Općinskog vijeća Aldin Šljivo (SDA) je pokrenuo je vijećničku inicijativu i postavio određena pitanja. U vezi tačke 2. Vijećničke inicijative broj i datum veze, navodimo sljedeće :

Shodno tački 2. Vijećničke inicijative, napominjemo da Općinski štab civilne zaštite Kakanj zajedno sa strukturama sistema zaštite i spašavanja od početka pandemije korona virusa COVID-19, aktivno prati epidemiološku i dr. sigurnosnu situaciju u vezi sa pandemijom i hitno poduzima sve neophodne aktivnosti i propisuje potrebne mjere na suzbijanju širenja virusa COVID-19, u korelaciji sa naredbama, preporukama, odlukama i smjernicama nadležnih viših organa.


Shodno navedenom, Općinski štab civilne zaštite Kakanj je na stalnoj dispoziciji prema JU „Dom zdravlja“ Kakanj, PS Kakanj Odsjeku za inspekcije Općine Kakanj i na usluzi našim sugrađanima kako do sada a tako i u narednom periodu. U periodu 17.03 – 31.05.2020. godine bilo je proglašeno stanje prirodne nesreće kada su sve aktivnosti provedene po naredbama i uputama nadležnih štabova CZ. Sa prestankom stanja nesreće, nastupa stanje epidemije i aktivnosti u borbi sa COVID-19 su na resornim Ministarstvima zdravstva i kriznim štabovima koje su isti formirali.

Obzirom da nemamo proglašeno stanje prirodne ili druge nesreće, mišljenja smo da realizaciju ovih mjera u potpunosti mogu izvršiti policijski službenici i inspekcije koje su direktno zaduženi za realizaciju mjera. Također je u posljednje dvije sedmice došlo do postepenog poboljšanja epidemiološke situacije i smanjivanja incidence oboljelih na našem području, zbog toga i nema potrebe poduzimati neke druge mjere.

S poštovanjem !

Dostavljeno:

1. Naslovu 1x
2. a/a 1x



Pomoćnik Općinskog načelnika

Nurudin Hrusto



OPĆINA KAKANJ

Služba civilne zaštite

MUNICIPALITY OF KAKANJ

Civil Protection

Broj : 09/1 253 /21

Kakanj, 14 04 2021. godine

Stručna služba za poslove Općinskog vijeća
-ovdje-

Predmet: Odgovor na Vijećničku inicijativu - *d o s t a v l j a s e,*-

Veza: Vaš akt, broj: 01/1 -5 - 143 /21 od 31. 03. 2021. godine

Poštovani,

Na 5. sjednici Općinskog vijeća održanoj dana 31.03.2021. godine, vijećnik Općinskog vijeća Ahmed Begić (SDP) je pokrenuo je vijećničku inicijativu kroz odgovarajuća pitanja. U vezi tačaka 3 .4. 5. i 6. Vijećničke inicijative broj i datum veze, navodimo sljedeće :

Po tački 3. Vijećničke inicijative, stav Općinskog štaba civilne zaštite Kakanj je konstatacija da su od početka pandemije korona virusa COVID-19, Služba civilne zaštite kao i sve strukture bile aktivno uključene. Posjećamo Vas da je u periodu 17.03 – 31.05.2020. godine bilo proglašeno stanje prirodne nesreće, kada su sve aktivnosti provođene po Naredbama i uputama nadležnih štabova CZ, a za taj period je podnesen i izvještaj Općinskom vijeću Kakanj o provedenim aktivnostima. Sa prestankom stanja nesreće, nastupa stanje epidemije i aktivnosti u borbi sa COVID-19 su na resornim Ministarstvima zdravstva i kriznim štabovima koje su isti formirali. Služba CZ i druge strukture zaštite i spašavanja su na stalnoj dispoziciji prema JU „ Dom zdravlja “ Kakanj i našim sugrađanima kako do sada a tako i u narednom periodu.

Što se tiče nabavke određenih lijekova, shodno tački 4. Vijećničke inicijative, stav Općinskog štaba civilne zaštite Kakanj je činjenica kako se prevashodno radi o stručnoj oblasti gdje su resorno nadležni Ministarstvo zdravstva, Zavod zdravstvenog osiguranja i same ustanove sa bolničkim kapacitetima koji zbrinjavaju kovid pacijente i da oni prevashodno trebaju da zauzmu stav o upotrebi određenog lijeka kao i nabavci i primjeni istog.


Po tački 5. Vijećničke inicijative, stav Općinskog štaba civilne zaštite Kakanj je konstatacija da je zaštita života i zdravlja ustavno pravo svakog građanina i kao takvo mora da bude prepoznato u zdravstvu uvrštavanjem neophodnih lijekova na esencijalnu listu, što bi bila direktna pomoć svakom građaninu bez obzira na težinu oboljenja od virusa COVID-19. Svakom jednokratnom podjelom novčanih sredstava građanima od zdravstva bi pravili socijalnu kategoriju, a to svi naši sugrađani i zdravstvo svakako nisu i ne mogu biti. Uz navedeno, svakako Vas podsjećamo da je briga o zdravlju nadležnost Kantona i Federacije, stoga svaki vid pomoći i davanja građanima treba inicirati na ovim nivoima.

Po tački 6. Vijećničke inicijative, stav Općinskog štaba civilne zaštite Kakanj je konstatacija da ste Vi kao Općinski vijećnik (Ahmed Begić) upoznat i u ranijem sazivu, da je za svako proglašenje prirodne ili druge nesreće i mimo pandemije, Općinskom vijeću Kakanj dostavljena odgovarajuća dokumentacija/informacija odnosno izvještaj o stanju i provedenim aktivnostima Općinskog štaba i drugih relevantnih faktora sistema zaštite i spašavanja, pa tako i informacija o provedenim aktivnostima i u vremenu pandemijske krize u periodu mart - maj 2020. godine. U stanju epidemije donošenje Odluka, Naredbi, Preporuka i dr. smjernica na svim nivoima u borbi sa COVID-19 su na resornim Ministarstvima zdravstva i kriznim štabovima koje su isti formirali, dok je provođenje naloženih mjera iz svojih resora na MUP-u, Inspekcijama, sistemu zdravstva kao i sistemu zaštite i spašavanja. Što se tiče aktualnog izvještavanja građanstva u vezi sa problematikom COVID-19, napominjemo da se svakodnevno putem izvještaja građanstvo upoznaje sa aktuelnom situacijom na osnovu dnevnih i dr. informacija MUP-a, Inspekcija, JU „Dom zdravlja“ Kakanj i drugih, a da bi informacije Općinskom vijeću na mjesečnom nivou postale zastarjele i bespredmetne.

S poštovanjem !

Dostavljeno:

1. Naslovu 1x
2. a/a 1x



Pomoćnik Općinskog načelnika

Nurudin Hrusto